

- 1' Eyn zeychen der lichtferikeyt
- 2' Jst / glouben was eyn yeder sey
- 3' Eyn klapperrer bald vil lüt vertreit



Von oren blosen

- 1 Der ist eyn narr / der vasßt jnns houbt
- 2 Vnd lichtlich yedes schwätzen gloubt
- 3 Das ist eyn anzeig zû eym toren
- 4 Wan eyner dünn / vnd witt hat oren

5 Man halt nit für eyn redlich man
 6 Wer eynen will zů ruck an gan
 7 Vnd schlagen ee dann ers jm sag
 8 So er sich nitt gewõren mag
 9 Aber verlyegen hynder ruck
 10 Das sol yetz syn eyn meister stuck
 11 Das man nit licht versetzen kan
 12 Das tůt yetz triben yederman
 13 Mit hynder red / abschnyd der ere
 14 Verrotten / vnd der glichen mer
 15 Das kan man verben / vnd verklügen
 16 Do mit man mōg dest baß betriegen
 17 Vnd schaffen das mans gloubt dest ee
 18 Den andern teyl hõrt man nit me
 19 Eyn vrteyl vber manchen gat
 20 Der sich noch nye verantwort wirt hat
 21 Vnd syn vnschuld noch nit endeckt
 22 Das schafft er ist jm sack ersteckt
 23 Als Aman Mardocheo dett /
 24 Syba der knecht Myphiboseth
 25 Groß Alexander lob erholt
 26 Das er nit lichtlich glouben wolt
 27 Dån die verklagten Jonatham
 28 Bald glouben / keyn gůt end ye nam /
 29 Adam wer nit der gnaden beroubt
 30 Hett er nit bald der frowen gloubt
 31 Vnd sie dem schlangen syner wort
 32 Wer bald gloubt der stift dick eyn mort
 33 Nit yedem geist man glouben soll
 34 Die welt ist falsch / vnd liegens voll
 35 Der rapp dreit dar durch schwartze woll

24 knecht *GW5046 GW5047*] kneckt *GW5041*